

To'on yó'o kían kúú uu ni taa San Pablo ni sa'an noó na ñoo Tesalónica

Ká'an Pablo ndisá'án

¹ Yu'u kúú Pablo, ta yu'u xí'ín Silvano xí'ín Timoteo ká'an ndu ndisá'án xí'ín ndo'ó, na kúú kuendá Jesús ndéi ñoo ká'ano Tesalónica, ndo'ó na ndítá xí'ín tatá yo Ndios, xí'ín de'e na Jesucristo, na kúú sato'o yo. ² Ta mií tatá yo Ndios xí'ín sato'o yo Jesucristo na kee na ña manj xí'ín ndó, ta naki'o na ña koo va'a ini ndó.

*Dándó'o Ndios níó ndidaá na kée kuachi tá ná
natuu sato'o yo Jesús kii na chí indúú*

³ Daá kuití vá kánian naki'o ndu'u ndivé'e noo Ndios sa'a ndo, ñani. Ta kí'o dión níyiká ndú kee ndu, chí iin iin kuu kuu sa sá'ano cháá ká ndo kua'án ndo xí'ín ña kándéé iní ndo Jesús, ta sá'ano ta'ani ndo xí'ín ña kú'u cháá ká ini sa'a sátá'an ndó. ⁴ Sa'a ñoó ká'an va'a ndu sa'a ndo'ó noo dao ká na kúú kuendá Ndios nátaka ñayuu xí'ín ndó, ta va'ará ndó'o ndó tändó'ó, tído xí'o ndeeé vá iní ndo, ta ndítá ndaaq ndo xí'ín ña kándéé iní ndo Jesús.

⁵ Ta sa'a ña xí'o ndeeé iní ndo, ñoó kían ná'a ña kékíko ndaaq Ndios. Sa'a ñoó ió íchi ndo ña ndu'u ndó noo dándáki na, chí sa'a ña yó'o kían ndo'o níó ndo. ⁶ Ta ña ndaaq vá kíán noo mií Ndios ña dándó'o na níó ñayuu kéndava'a xí'ín ndo'ó. ⁷ Ta noo ndo'ó, na ndo'o níó viti, naki'o Ndios ña nani'i

ndéę dáó ndo'ó xí'ín ndu'u tá ná natuu sato'o yo Jesús kii na chí induú xí'ín ndidaá ángel ñó'o tixi ndá'q ná ⁸ tein ño'ó kék ita, dá chiya'i na ñayuu ko ní xín nakoni Ndios, xí'ín ná qo ní xín kueídó'o to'on va'a ñá ká'an sa'q Jesucristo, ná kúú sato'o yo. ⁹ Ta ñayuu yó'o kúú ná ndo'o naní níq ndidaá tá'an kuü, chí ni iin kuü o koní ná ndu'u na noo ió sato'o yo Ndios, ta ni iin kuü o koní ná tátó'on ndato ndéę kómí ná. ¹⁰ Dión koo kuü tá ná nandío koo Jesúś, dákian ndato nda'o natiin na ñañó'ó kee ñayuu mií ná, ta naá iní ndidaá kúú ñayuu kándisa ñáá. Ta dión ta'ani ndo'o mií ndó, chí kándisa ndó to'on ní dáná'q ndu noo ndo.

¹¹ Sa'á ñóó daá kuití vá xíká ndu ñá maní noo Ndios sa'q ndo, ñá ná ki'o na ñá kakuu ndó ñayuu ndaa, dá chí sa'á ñá yó'o ní kaxi na ndo'ó. Ta xíká ta'ani ndu noo ná ñá xí'ín ndéę mií ná ná kandeé ndó kee ndó ndidaá kúú ñá va'a, xí'ín ndidaá kúú choon ní chikáa ini ndo kee ndó sa'á ñá kández iní ndo ná, ¹² dákian ní sato'o yo Jesucristo ñañó'ó sa'q ndo. Ta dión ta'ani natiin ndó ñañó'ó sa'á ñá kández iní ndo ná, ta dión koo sa'á ñá maní ní kee Ndios xí'ín sato'o yo Jesucristo xí'ín yó.

2

Dinñó'ó ká tqa kini kasandaá, dá ví kasaq Jesús

¹ Ta viti kásto'on ndu xí'ín ndó ndi koo tá ná nandío koo Jesucristo, ná kúú sato'o yo, kasaq ná, ta ndi koo, dá naki'in tá'an yó xí'ín ná. Ta seí nda'í ndu noo ndo'ó, ñani, ² ñá ná dá'a ni konó ndó ñá vitá oon nadaká ñayuu ñaxintóni ndo, ta o sa kútúú ini ndo, va'ará kaá ná ñá Espíritu ij Ndios ní ka'an xí'ín ná ñá sa ní ya'a va kuü ní nandío koo

sato'o yo Jesús, o tá dána'a na ñaq dión kíán o tá kaá na ñaq ni tanda'á ndu'u iin tuti ká'an dión. ³ Q sa kándia ndó ñaq dánda'í ni iin ñayuu ndo'ó, dá chí tá o ñá'a kasandaá kuu yó'o, dá kíán kuq'a nda'o ñayuu kasá'a dánkoo íchi Ndios, ta kasandaá iin taa kini, tá'an ra ni'i tá'i ñaq naá rá noo Ndios. ⁴ Ta ndakuijn ra, ta kenoo ra ndidaá ñaq'a chínaní ñayuu kúú ndios, xí'ín ndidaá ñaq'a ndáñq'o na. Ta nda noo ij cháá qaq ini ve'e ño'o ká'ano kakqo ra, dá kee ra mií rá ñaq kúú rá ndios.

⁵ ¿Á ko ndúsaaq ta'on ini ndo ñaq ni ka'in sa'a ndidaá ñaq yó'o tá ni sa ioj xí'ín ndó? ⁶ Ta sa ná'a vá ndo'ó ndí kján chíuu noó taa kini ñoó, sa'a ñoó o nátuu ta'on ra nda ná kasandaá hora kánian na'a noo rá. ⁷ Ta kana'á ndó ñaq sa kéchóon va ñaq kini ñoó, tído ió de'é ij váán, dá chí ió ñaq chíuu va ña viti, sa'a ñoó ko ñá'a natquau. Tído nda ná kasandaá kuu kuxoo ñaq chíuu ñaá, nda daá ví, dá natquau. ⁸ Nda daá ví, dá na'a noo mií taa kini ñoó. Dá ka'áni ñaá Jesús xí'ín tachí yú'u ná, dá dánaá ñaá ná kee ñaq naye'ë ndato noó nandió ko na kii na.

⁹ Chí tá ná kasandaá taa kini ñoó, kakomí rá ndé mií ñaq u'u, sa'a ñoó ká'ano nda'o choon kane'e ra kasaq raa xí'ín ñaq mañá, ta kandeé rá kee ra ñaq'a ná'ano xí'ín ñaq'a ndato. ¹⁰ Ta xí'ín ndidaá ñaq mañá yó'o dánda'í raa ñayuu xionoo íchi kua'an indayá, chí ko ní xíin na natiin na xí'ín ndinoo ini na ñaq ndaa, sa'a ñoó o káki ta'on na noó kuachi na. ¹¹ Sa'a ñoó kí'o Ndios ñaq dánda'í ñaá iin ñaq to'ón ká'ano, dá kandisa na ndidaá kúú ñaq to'ón ka'an raa, ¹² dá kíán nando'o níó ndidaá kúú ñayuu ko ní xíin kandisa ña ndaa, chí di'a ni katoó cháá qaq na ndiko na ñaq kini.

Sa ni kaxi va Ndios yo ña dákaki ñaá ná

13 Tído ndu'u, daá kánian naki'o ndu ndivé'e noo Ndios sa'a ndo'ó, ñani, ná kú'u ini sato'o yo Ndios sa'a. Chi ndo'ó kúú ná ni kaxi mií ná nda mií sa'a, dá natiin ndó ña káki ndó sa'a ña ni nduvii Espíritu iij ná ndo'ó, xí'ín sa'a ña kándéé iní ndo ña ndaa. **14** Chi ni kana Ndios ndo'ó ña natiin ndó ña káki ndó xí'ín to'on va'a ni daná'a ndu noo ndo, dá natiin ta'ani ndó ñañó'ó tátó'on kí'o natiin Jesucristo, ná kúú sato'o yo, ñañó'ó.

15 Sa'a ñoó kandita toon ndó, ñani, ta tiin toon ndó ña ndaa ni daná'a ndu'u noo ndo, á kián ña ni daná'a ndu xí'ín yú'u ndú noo ndo, o á kián ña ni taa ndu noo tuti ni saq noo ndo.

16 Ta mií Jesucristo, ná kúú sato'o yo, xí'ín mií Ndios, ná kúú tatá yo, kúú ná kú'u ini sa'a yo, ta ni xi'o na tandemé iní kakomí yó ndidaá tá'an kuu, ta ni xi'o ta'ani na iin tandemé iní ká'ano noo yo sa'a ña mani ni kee na xí'á, **17** ta naki'o na ña ndee koo ini ndo, ta ná dákua'ano na ndo'ó, dá katj'a ndó ka'an ndo ndidaá to'on va'a, ta katj'a ndó kee ndó ndidaá ña va'a.

3

Kaka ndo ña mani noo Ndios sa'a ndú, dá ná natiin va'a ñayuu to'on Ndios

1 Viti, ñani, kaká ndo ña mani noo Ndios sa'a ndu'u, dá kían ná naka'aní kíi to'on Ndios ndidaá kúú xián kee ndu'u, ta ná natiin ndato ñayuu to'on Ndios tátó'on kí'o ndato ni natiin mií ndóan. **2** Ta kaká ta'ani ndó noo ná ña ná kandaa ná ndu'u noó ñayuu kíni, noó ná kóni kendava'a xí'ín ndú, chi o duú ndidaá ñayuu kándéé iní Jesús. **3** Tído iin

na ndaa kúú sato'o yo Jesús, sa'á ñoó ki'o na ña kandita ndaa ndo, ta kandaa na ndo'ó noó ña kini. ⁴ Ta sa'á ña kández iní yo sato'o yo Jesús, sa'á ñoó kández iní ndu ña kée ij vá ndó choon ni sa'anda ndu'u noo ndo, ta dión kee va ndo. ⁵ Ta ná chindeé ñáa sato'o yo Jesús, dá katí'a ndó ku'u sátá'an ini ndo sa'a ndo, tátó'on ki'o kú'u ini mií Ndios sa'a yo. Dá katí'a ta'ani ndó koo ndeeé iní ndo tein tándó'ó ndó'o ndó tátó'on ki'o ni xi'o ndeeé iní Cristo Jesús.

Kánian kechóon yó, dá kataki yo

⁶ Sa'ándá ndu choon noo ndo, ñani, xí'in choon ni xi'o sato'o yo Jesucristo noo ndú, ña o sa káne'e tá'an ndó xí'in na kúú kuendá Jesús, na ko xíin kechóon, tá'an na ko kóni kee choon ni sa'anda ndu noo ndo. ⁷ Ta sa ná'a vá mií ndó ndí kián kánian kee ndó, dá kee ndó tátó'on ki'o sa kee ndu, chí ko ní sa ndei dúsá ndú tein mií ndó. ⁸ Chí ko ní seí óon ta'on ndu pan ni iin tó'ón ñayuu. Di'a nduú ñoó va ni sa ndí'i ini ndu sa kee ndu choon ndeeé, dá kián ná dá'a ni dáta'án ndu ni iin ndo'ó sa'á ña kasá'an ndu. ⁹ Ió íchí ndú ña koto ndó ndu'u, tído ko ní xíká ta'on ndu ña kee ndó dión. Di'a sa kechóon va ndu'u, chí kóni ndu ña kián katí'a ndó kee ndó tátó'on ki'o kée ndu'u. ¹⁰ Chí tá ni sa ndei ndu xí'in ndó, dá ni sa'anda ndu choon noo ndo ña ndi ndáa ñayuu ko xíin kechóon, ná dá'a ni kasá'an na.

¹¹ Chí ni ni'i tó'on ndu'u ña tein ndó xaqen ndéi dao ñayuu dúsá, na ko kóni kechóon, ta chírnée chítuu kúu na noo dao ká ñayuu. ¹² Sa'á ñoó sa'ándá ndu choon noo na kée dión xí'in choon ni ni'i ndú noo sato'o yo Jesucristo, ña ná ndí'i ini iin rá iin mií ná kechóon ndúsá'ano ná, dá ni'i ná ña kataki

na. ¹³ Ta ndo'ó, ñani, o sa kúkuitá iní ndo kee ndó ña va'a.

¹⁴ Tá ndéi dao ñayuu kó kékendá choon sa'ándá ndu noo tuti yó'o, dá kían kande'é va'a ndó ndá yoo kúú ná, ta o sa kóo ká ini ndo kane'e tá'an ndó xí'ín ná, dá ná xika'an noo ná sa'á ña kée na dión. ¹⁵ Tido ná dá'a ni taó kuendá ndo ña kúú ná ná xiní u'u ndo, di'a koo ini ndo ka'án ni'ini ndó noo ná sa'á ña kúú ná ñani ndo kuendá Jesús.

Xí'ín ndisá'án yó'o dánd'i Pablo ña ká'án na

¹⁶ Ta mií sato'o yo Jesús, ná xí'o ña ió va'a ini yo, ná naki'o ña daá kuití vá koo va'a ini ndo noo ndidaá ña'a. Ta daá kuití ná koo na xí'ín ndidaá ndó.

¹⁷ Ta ndisá'án yó'o tách mií yu'u Pablo kóosaq noo ndo'ó xí'ín ndá'a mií. Ta dión kée yu'u noo ndidaá tuti táai, ta dión ndáa letraí.

¹⁸ Ná koo ña maní xí'o sato'o yo Jesucristo xí'ín iin rá iin ndó. Dión ná koo.

**Tuti yó'o kúú to'on Ndios, ta xí'o ña kuendá
sa'a Jesús
New Testament in Mixtec, Tezoatlán (MX:mxb:Mixtec,
Tezoatlán)**

copyright © 2006 Wycliffe Bible Translators, Inc.

Language: Mixtec, Tezoatlán

Translation by: Wycliffe Bible Translators, Inc.

Mixteco, Tezoatlán [mxb], Mexico

Copyright Information

© 2006, Wycliffe Bible Translators, Inc.l

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Tezoatlán

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

b81ac6b3-0ad5-5336-8d42-4c2703b04e9f